

知
足
齋
詩
集

知足齋詩集卷第二

甲戌至戊寅

大興 朱珪 石君

聖駕東巡恭謁

祖陵禮成恭紀

四言詩二百韻
謹序

乾隆甲戌秋

皇上再奉

皇太后而東望山告海百神受職乃獮乃閱揚光於禹

跡禮

三陵

蹕二京班

詔施惠臣民歡悅典禮豐鉅

臣謹作四言詩凡千有六

百字以獻其詩曰

皇帝卽位十有九載率

親而仁率

祖而義東賓開明西餞月竊南燭北戶北直斗戴天地之中日月之外德敦流沔莫不徧溉

皇帝曰於惟

天子畀自我

祖考受命予詒予望長白至於東海高山大風熊熊光逮歲大淵獻曰東有事日暉月朧歲星周次在昔

仁皇駕龍三謁豈予敢怠一至而闕奉

皇太后孝思旣達乃

命天官諏日敬發仲夏之月日行在未

帝蹕熱河赤龍旆旆風沙氏民炎帝是徠簏金龜綬肘
行受賜億萬里外回面嚮內

帝車遂東極俄漠惠六蛟太白騰騰擁軼八賁高張長
天如蓋吉行五十翕赫萬騎降龍嵬峩句驅澎湃鵬駉
鯤頡遂臨窮髮惟長白山極天作配歆雲飲雪神靈旭
卉

帝幸吉林于山望秩曰

嗣天子奠璋用幣惟神宅艮山之祖鼻北於崑崙高於崧岱我

祖成命生祥降釐嶽公瀆侯世世礪帶予其東謁復此來
醉霅然天光又見高霽其北大海極目沆瀣馮夷望
洋于焉長懷黑龍鵬綠三江之委

皇帝命官祝史告祭元黃黝牲益簋盤敦海靈清穆來
歆來嘑風和波平無有阻闕其外萬邦恍惚奇怪凌濤
測颿來請王會時當正秋獮田于界金天行軍蓐收司
伐大野空曠萬竅助噫招搖九旗雄虹雌霓山圍長蛇
水泐魚麗左獫右虎中黃之士三驅一面陽開陰閉

帝乘天龍星弧電瞥弦鳴鏑流飛羽肉石射其熊羆大
獸是殪六軍歡呀百番股悸逆風迹掃乃羅以弊萬火
行魚萬夫舉崇屯其如雲他他藉藉以獲三品以振七
萃長圍旣單

興京乃屆整我徒御

帝車載輶入英莪門肅肅萬隊

帝謁

永陵天作巋巋金支玉葉白雲飄飄杓魁下抱龍虎土
氣九疑芒碭呼吸

帝謂

皇帝莫莫神往精諦無聲而聆無形而視生民之利立
子之世

肇祖

興祖

翼帝

宣帝昭昭穆穆與天地始升降千山源流萬水自我不
見十年又二乃謁

福陵天柱是企

橋山高高

皇帝登拜仰惟

太祖肇基王迹以十三甲受

天神器葉赫輝發莫不分北遂有大寶功莫與大授我
神聖億萬萬代龍光徘徊覲此而再乃謁

昭陵

隆恩有闕丸丸松柏龍而鳳翹大白小白石馬在列

皇帝曰嘻

太宗之烈呂翁西鑾朝鮮東蔡咸驚

天人玉龍金鎧功成馬上以定帝制鞭麾貍豹如身使
臂予陽取陰文武德備五世于今在我繼嗣予其念哉
日乾夕厲莫高非天莫厚非地必壇而柴必折而瘞弗

躬弗親曷將予愛兩履秋霜得不涕淚

皇帝誠孝感動左右皇矣

列祖篤我天祐

帝車乃駕

盛京是稅儀鸞鹵簿容容裔裔耆老童幼望

幸如歲十年一見踴躍歡喜

皇帝禋格祿於

太室

御崇政殿天門廣闔黃麾清仗紅衣列尉北斗前建豹
罕後蔚左右旂門六十有四天文地章粲爛畫績三公

六官逮於百吏庶方小侯九采咸在

皇帝盛服南面出莅黃鐘玉球天樂鏗磬鴻臚六唱以
敘拜跪貢粢之臣使鹿之隸織皮卉服蹈舞絳纁乃下
詔書施恩大賚從臣賜秩免所過稅空其囹圄宥罪出
繫存問長老皆有常餼優賞外臣朝鮮之使其王恭順
世我蕃衛張樂大酺肉飛酒沸黃金巨觥手賜近貴乃
以序醺百壺徧醉宗族庶老上壽幽沛自昔之來我飲
我食自今之來有加無異

皇帝萬年與天無旣仁周義浹天澤醴穠

帝啟大政八阿十解

帝登鳳凰日光霞矚長弓大甲

列祖所遺武人十夫顧而愕眙

皇帝曰咨予其勿思詰我戎兵十邊大閱龍旂鳥章赤
日白月

帝躬甲冑刀鞬韜韞瑤九旂金鉞兩鞍鳴鐃擁鐸三
發三刺山苞川流惟

皇帝試武威旣奮文命旣施光我

祖德丕冒日出

皇帝大孝準四海際條支大鳥安息符拔海西日南犀
象璫瑁火浣之布水羊之繡飛橋繩行宛宛欵塞

皇帝曰都非朕所暨惟我

祖考惟天地類星辰所經霜露所墜尊

尊親

親咸我屬離

皇帝聖教溥博滂霈六合在宥罔不格被歸於

京師

郊

廟告至問安

慈宮出入奉侍禮成樂作歌舞盛美

皇帝至誠合莫天緯惟天聰明惟民敬畏先饑而哺先

寒而衣耳傾雨寒心知艱易本我

天

祖鞠此孩穉無有好惡無有偏陂無遠而忘無近而泄
天謂

皇帝牖民無怠常爾豐年飽是大糴九州萬姓長享厚
富

皇帝至孝雖離藹藹頤養豫怡承

聖母意天下和樂宮中豈弟闕市清靜刑獄敬忌以儉
節文以忠救僊金玉不寶芻蕘不棄合歡萬國以養

聖志

天謂

皇帝純嘏爾介一人之慶兆民是賴萬有千歲眉壽無艾

皇帝至仁清問民疾安其萌芽若草木實繼長增高無有墮壞如斗建中如日舒轡四時平均陰陽不沴一夫不澤或納之澮克艱克艱禹益儆戒

天謂

皇帝種德旣邁五方之民譯鞮象寄邇安遠格有向無背

皇帝至義文武聖叡兼聽而聰好問而智中心無爲求

訪遺闕龐臣髦士竭忠盡慧坐於明堂周覽無礙五風
十雨知其好嗜文光武烈丕顯旦昧

天謂

皇帝明德作對天象地形動植跂喙元氣昆侖性命各
遂臣官翰林作是文字宣

皇帝德副於金匱

送劉侍講映榆視學粵東四首

鳳皇下璧門銜符向炎海雲中聚九光天外散五采嗟
子富文章簪筆上天垓飄然西清客欲御南風凱碧雞
與金馬動影久相待火樹爛珊瑚凌波發蓓蕾山辛叢

桂蠹水馥幽蘭茝行行未宜遲秋英及可採

粵惟古南交人文發火房曲江鳴開元孤鴻厲脩旂自
從昌黎來手翻蛟龍藏揭陽招趙德二區參翱翔前明
有陳湛黑海寧扶桑

國朝盛詩家後起才尤強乃知海靈富不獨金寶裝不
貪識其氣爲我還珠光

文章心之鈴清濁無不聞搏鼠流貪聲扣牛戛廉韻勾
萌出天機枝葉蔓世運使者有風教一國變喜慍譬彼
麴與蘖厚薄隨所醢又如考鐘鼓乃在鳧與鞞有章規
其質聚鵠恐敝縕所以貴由衷明堂羞藻蒞

翡翠尚有羽犀兕尚有角遠隨方物至萬里光赧駁海
底明月珠磊磊亦在握豈有真文章不得竝卓犖知子
愛才癖肝膽獨忠慤玉敦與金卣須子好追琢平生想
羅浮桂棟倚梅桷子其招山中歌舞下鸞鸞

送吳鞠田之官雲和教諭

憶昨始識君歲行在辛未與君計偕初南北本連彙君
來自湖江奇宕爭意氣北遊長安中談笑傾豪貴酒酣
叱敵勅百萬走劉毅頗羨步兵廚不報灞陵尉嗟予喜
相見豁達露肝胃每嗤玉堂冷寒沙臥翡翠生不五鼎
食又不萬石餼不如翳蓬蒿窮居老仲蔚予時听然笑

子辯無太沸子雖虎鷲姿且飽藜苳味七年四射策盤
雉逃羅罟一官鄭廣文酒錢尚須乞譬如執飛鼠翻使
垂天顰吾聞枯蒼山洞天深靈醺神仙或來往鸞鶴雜
猿狒邕永二李書六丁護燒煉旁聞歐冶劍光蝕芙蓉
并子無小雲和魯國猶都費學舍雖如舟先生自可壑
重期三年來排雲上象魏

翁彝齋編修索予舊作次韻見贈卽疊前韻荅之
翁君敏于文珠璣落咳嗽憐我病慵懶捷手下鍼灸投
我明月光照眼驚矇瞶于何盜九驪子才豈天授憶昔
歲壬戌童試初把袖子文當午成我苦滿夜漏是時心

異子眉目清如繡丁卯子十五攀蘭得同臭於菟氣已
盛食牛快一嗅中間忽睽孤血泣枯幽鷺頗聞原憲貧
曳履抗金奏果然達明堂圭璧纈好肉信知詩書勤坐
見文采茂北平古雄都剛耿往必復狗屠擊筑兒吐口
絕誼譎高墳屹華島不數五龍寶干邪精變化鯨鵬氣
撞扣風沙所飄泊靈寶今猶舊地脈與人文誰爲起僵
仆嗟予苦病廢肝膽惟天祐恨不鞭恆蛇鑿此混沌透
何意把子詩喜劇與子逅二鳥久不鳴子獨敲其喙養
根而加膏仁義充儉瘦放子光燄長起子曼衍謬同年
子少二竝驅齊肩脰

送李延彬同年視學中州

玉衡殷中州文昌下司命李侯抱遺經世家比韋孟學
優見根本華實必大盛于今執螯弧可以周麾鄭昭然
登高呼欬唾捷號令胡爲索我言乃欲叩寂靜憶昔識
君初落落心跡踈三年同齋閣晨夜趨燎榮說禮識籩
醢談天借杓柄坐令秦寶雌不許楚聲競飢渴對苦薺
風雨一短檠自君遷承華一水阻洞泳豈知鄆川手杲
得試洛盟此方惟土中窮牛叶土性雲歆與籟吹文理
肖中正巋哉南陽老太少爭高負我朝睢州公蹶起亦
後勁子如善用之一唱無不賡六經變今文三物蹈古

行咸輔非虛受賁趾足恭敬庶幾克其家可作天下平
古人三不朽何獨慙繼晷

贈吳易堂學士爲其母張恭人壽

聖人執天心六經作樞紐廣開銅馬門加璧迎耆耄吳
公凌江來書成上北斗

天子擢第一命官佐祭酒執經皆國士金石辨蝌蚪屢
遷主翰林峨冠侍從首公卿屬倪董自出枚馬右況聞
宣室談黃鍾親撞扣

詔成三易傳手發千年藟何用藏名山金匱俱不朽與
君初結交齋閣一執手談笑哆雕龍公輪發墨守豁我

鄙吝胸遂成忘年友念君昔矻矻藝苑勤獮搜著書等
揚雄豈免嗤覆瓿自期老禹穴遽望開堯牖于今一特
達鴻寶列主卣稽古誠足榮奇遇亦非偶君言予何知
竊比魯生鰕家有苦丸教不愧河東柳今年第八秩神
明清不糅諸孫來繞膝餌餐獻粉粳獨予與采蘭願以
文字壽我聞拜手慶光遠積必厚經傳鼂錯師錢賜賈
逵母請爲九華頌歲歲開重九來登九龍山日月同長
久

送周景垣侍講奉使琉球

大海內外同官家琉球告至來天涯翰林主人初拜命

手捧

帝詔宣荒遐鳳皇銜書九苞下麒麟賜袞三公加同官
拱手送龍節屬國膜拜僊星查詩成高唱和千疊傳示
海外羣伊亞昔聞天使下海國寶冊上有神光遮翺翺
飛雀王母使鎮壓鼇戴如女媧海靈清穆肅覲覲出水
頭角相排衙青天無雲龍正見當空五色開旌牙信知
中孚足利涉約束異類同魚豢況今威德更無外班正
禮樂除紫虜九金已見鑄魑魅四遠孰敢驕龍蛇此行
奇壯近莫比大颿穩渡先梅花極南戴星指孔雀夜半
浴日騰金鷄

天威萬里更咫尺舉國仰面天雲輶神人來下盛儀衛
綵輿飛上凌闔闔其王恭順世藩服授以銀印佩以綢
奇觀不數蜃吐市歸信喜候灰吹葭子淵飛文檄金碧
相如持節走蜀巴如公於古自不愧蜀士千載爭矜誇
歸來方言要公續好問奇字傳侯芭

送同年全侍講出使琉球二首

北極有大人南車指天蓋合符三山中繼世九州外念
子直文昌舒佩何婉婉一朝擁龍節金勒馳玉馱
赤珊瑚綵舞光綵繚去乘貫月查照海看珠貝望雲日
方中依斗夜未艾勗哉萬里行風順好激汰

中山海東南去天近可忖北海子之家環天同一本灶
哉子遠遊視若出入栖氣吞龍伯低勢壓鰲背穩坐儀
眞天人五綵爛繡袞海中百靈怪望子走且遁海外諸
大長赤日見晉盾何以贈吾子內足外不損

前易水行

王翦已破邯鄲城趙嘉走代燕丹驚謀成无望購匕首
日盡有意遲荆卿待客未來壯士怒徵羽無聲去不顧
白衣臨水風正寒赤虹貫天日欲暮奉圖拜舞秦庭喜
丹心已吞白帝子不成畫虎失生王枉學屠龍羞死士
殿上環柱何倉皇陞間不見秦舞陽何如早用漸離銃

可憐見侮無且囊秦人洗兵易水流子丹授首王喜囚
當筵不惜美人手此舉竟負將軍頭嗚呼支廢皆天運
六國咸陽同一炊楚雖三戶必亡秦何用呼天作天問

後易水行

荆軻旣敗燕誅丹秦王虎視六國殘千年遺恨不可釋
長與易水爭波瀾當時彗星埽北斗破軍萬萬計斬首
直將鞭石血龍宮豈惜赭山欺帝婦民號天醉了不聞
一旦假手望夷君瀉池璧來魚有臭芒碭雲出蛇橫分
誰初謀國稱奇計把袖搥胸眞易事欲提匕首刺王僚
遂劫齊桓反侵地張儀詐楚如狙公況乃要約非由衷

濡縷卽令祖龍死燎原豈遽咸陽紅扶蘇襲位枕戈起
王翦蒙驚更臂指牛聲但見下雲中馬角誰憐匿衍水
乃知不篤不虛亡非七之短嬴不長燕丹那得救秦祚
可憐二國同亡羊吁嗟秦暴天方縱擲銃飛椎俱不中
唐雖挺劍亦何爲尚有蘭池盜一鬪

送梁階平同年監司粵東四首

神仙出閭闔跨鳳凌南交回頭望羣眞長鳴去故巢念
子首鸞鶴辟廡和金敲一飛羅浮山竹實空漸包歸來

上阿閣

帝所輝九苞

清問爲前席拜命揚鈴旂要令南斗野星潤明天馳行
矣各努力萬里聲聞郊

平生志四方富貴如蒼狗一朝從變化虛名空箕斗昔
年登君榜期子同不朽顧我如揚雄尚白且自守子行
道方遠無爲苦執手

至尊咨九牧照曜開四牖子器深而溫一似黃金卣何
以贈子言中虛其善受

峩峩千仞山上有跛牂遊于物吾何競處己道貴適長
堤漏螳穴須子慎自修清心澈海市峻節還鯨眸又聞
古人言大川泛虛舟嬰逆旣不怒從善斯如流嗜欲去

六鑿精神極八州誤書喻舉燭慰子勤諮諏

南海祝融房文章爛火出繡衣陳民風藉手吹雄律重
游梅花林或有未落實龍頭試一唸萬木盡甲乙君家
有詩人彼都舊尹姑大官總風雅咳唾隨璣璫我聞子
先世陰德同丙吉他年拜明光早樹柚與橘

送吳擷雲中允督學粵東

陸生南游佩漢綬粵人文物初根荄韓公觀海直到潮
鑱天功比神炮媧到今都會盛輻湊北斗衡直南車輦
火帝赤熒吐光燄山川士女爭麗佳海侯不敢祕靈怪
帝遣龍首搜珠厓吳君之才如吳鉤姓名巧合無參差

昔君舉鄉初第一南北與我同計偕我時逼耳想風雨
延陵劍氣豈久埋果然睽睽動鱗鬣五雲太甲魁高階
桂林春遊拾芳草高唐秋賦收遺釵歸來凌雲報閭闔
玉皇前席

天心諧卽今南海佇使節神仙欲出金銀排知君所到
必清絕梅花翠羽聲喈喈念君與我居比巷劇談夜半
門猶闔此行何以相贈處揜手願更傾中懷善鳴不材
兩奚似顧我獨立中央柴君方一日足千里龍媒虎脊
飛渥洼清音且爲辨猥鶴異寶直欲空蜃蠃筍簋四靈
入節奏畢羅羣雅除淫哇寄聲伯鸞好問訊

謂階平珍
觀察

重六翮相摩摺

聖駕南巡頌

八章

帝法

天行六龍時乘照臨萬物赤日正升東至於海長白是
登北狩木蘭皆秉威靈西凌五臺還趨於恒崧高惟嶽
天極地中叶見聖闕里柴于泰山叶自淮而江南斗直
衡羣生嘽嘽如春始榮自我

祖德念茲吳越氓

其一

惟茲吳越氓童謳耆陞子慕父母思不可禁十有六年
帝車俶南歲星七舍耳傾鸞音不見而思見乃至今

帝曰俞哉朕其載臨河流湯湯高下淺深下民攸居雨
暘燠風叶弗躬弗覲曷慰予心龍尾中矣象輿駸駸其二
乃奉

金根日月抱珥所在

清問至於河戒洪濶濶石堤最屬河淮之交

天子所視惟堯惟禹利於萬世渡淮而揚大江若帶浮
玉之山龍光鸞翠淩江望湖佳哉巨麗遂登姑蘇下瞰
虎氣惟此南國惟

皇德所邁其三

帝臨浙江觀于海門朝潮夕汐萬里砥平南極北戶東

迎大暉風和雨滲導揚威神明聖有湖鳳皇有山雲臺
金銀水鏡波濶海山翔翥凌風飄然千芥萬籟愉我
慈顏日兮重光月兮重輪以覲

一人以祝

萬年

其四

大江西上金陵隩區鍾山鬼峩龍迂虎趨鷺飛三國雞
鳴六朝

叶

雲輝歆景風雨吐珠

帝用禋祿夏鼎商杆自江而北達于淮徐

帝躬陟降周覽近遐

叶

黃中豈弟玉聲咨譔

叶

求民之

莫惟

帝之休

叶

河既道矣光于禹謨

其五

河北惟充大庭之庫泗水交流靈泉東注穆然

天心上下洞涘金絲在堂雨露在樹華蓋九旂天風飄
舉

帝來山林麟鳳導御十年三接神明昭眇乃升岱宗觀
日初翫仁施如雲天下徧雨大禮盛樂

皇帝是豫

其六

我

皇之巡我民曷不勸駿惠我農免我租巨萬

天子粒我有復有賑

天子宅我有築有濬我有老壽

天子是問我有孝秀

天子是進旂來風和日中光近同我婦子俛拜仰觀

大孝備矣醴泉甘醢河酌彼江河以爲

聖母獻

其七

惟

帝之文乾章坤質十海吹瀾五龍協律惟

帝之武山蒐川閱天張日羽地闢月窟瀆羣神功德

既秩郡國有司莫不循察老更几杖林藪佩紱赦書班

下咸賜湔祓

恩覃東南告至

太室六合頌聲萬年

休烈

其八

儲畫溪宗丞邸居雙白燕堂中往歲哭易月之殤
春社燕來集成雛隕感而賦詩情悽調絕且爲圖
誌之予作玉燕招魂曲以抒其悲

雕梁挂月香泥空雙鈎古字懸璽瓏縞裙仙人渡海去
丹鳥白鳥憐秋風一區本是揚雄宅手草元經空尚白
莫令腸作鳳皇聲叫起童烏眼中碧杏殤又見杏花開
新燕還疑舊燕來玉篴夜覆失雙轂蛾眉擊鼓悲瑤臺

酒醒惆悵羅浮夢翠羽珠吭泣幽哢黃花好哺王母兒
報公四環公莫慟

送蔡侍郎乞養歸漳浦

漳江南下入海陬火房正氣相吞浮大賢磊落照近代
公起厥後光先猷梁村先生昔論道啟沃日月聲天球
公於家學比德勝更以文字開韓歐早從三館游華省
遂分六職揚清秋網羅南北盡羣雅廣張不漏麒麟洲
承華正人想高步夙夜直與夔臯儔天光咫尺玉衡正
人望鼎足蒼龍勾眇然忽動採蘭慕白雲際海天油油
陳情懇惻乞將母

聖人錫孝無不周臣聞忠孝自一本草木盡荷皇天庥
前年請急視顏色捧手不得寧衣畱仁風和氣遂生長
日長道遠心悠悠至誠深愛感

天聽拜 恩歸去稱觥觥孝子得養周道盛陔華旣作
歌庚邱吾聞梁岳一千仞九十九峯如列蚪靈泉四時
更不涸飲之得道沈疴瘳山川佳氣足溫清几杖餘事
窮編軸主張後起入矩矱闢除徑路追魯鄒況公堂庶
近可構根枝盛大須今修古稱三立斯不朽願以絕學
爲箕裘如公出處已不愧桓榮疏廣非公侔珪也生晚
辱後進幸得問字從公游公歸何所識標的極望南斗

橫牽牛

夢陸古修鈞二首

宿草鬼已故千里魂何歸叩門君來謁倒屣如恐違執
手問平生言出氣屢謫怪君神仙姿鬚鬢霜霏霏慘悽
眉若隘顙頰色不肥自言苦矢志筑獨餘一妃懷中雙
魚書欲投江南磯中坐忽心悸君鬼是邪非遽然不可
見窗月黯落輝

與君昔同館君出宰句容一年遷雄緊君才真人龍胡
然驚奇變兄弟同罹凶傳聞異黑白誰能辨所從聞君
蓋棺日巷哭罷相春廟巫降神言侯來司城墉鑄像肖

威儀宛然生昌丰古來詩人死往往歸芙蓉鬼神吾不
知民心亦已恭禮稱死勤事風雨酬吳儂

送劉同年定道歸粵西

劉侯萬里官石渠歸裝壓船萬卷書賣裘鬻馬斥厥車
多子觀計知羸虛君家鏤鄒山欽嶺欲以鴻寶歆天墟
讀書貴精不貴苴莫與聖義相齟齬殆口不敢輕張喏
外若粥粥中充餘乃一錯手生礪礪若掀三辰照夔魑
執身翦翦戒衣袽忠信愛古無毀譽我非知之言則疏
臨當別去摻子祛歸徵子書意何如

聖武遠揚西域效順

大閱禮成恭紀

饒歌七章
謹序

臣聞金支玉葉天開軒帝之營丹水青邱地紀神堯之
武白鳩降籙秉鉞而荷共球黃鳥樹旂總干而齊步伐
耀德自我懽威無外南有越裳之車西有密須之鼓載
在方策莫不稱焉我

皇上握乾機履坤策三光榮鏡四時和燭流沙蟠木砥
顓頊之文戈北發南交戴重華之玉斗登歌

三后土揖萬邦問沒羽於焦僥驗專車于汪罔威弧井
絡下五帆之妖禽听鼓橋門列三山之侍子

文德則鞶韞如歸

武功則韎韐有奭所謂自我天覆丕冒日出者也憬彼
準夷遏矣西土川分碎葉稍當濛汜之東海近牢蘭更
直康居之北昔革面於

兩朝今離心于四部

皇帝龔

上天之命揚下武之光

神繹爲謀日中必薨招搖所指秋毫當羊角之風扶服
其來春霰得龍銜之照兵無殷刃敢不抽房埽衛拉而
擒王厲伊犁而洗馬昔神禹之征饕餮阻以三旬武丁
之伐鬼方僅于一克若乃休屠太子上漢殿而珥貂顏

利小侯舞唐宮而稱兕方之今日曷足夸乎鼎魚小沸
牙璋再舉籠山絡野搜欽鵠于園中掣影奔霄追飛廉
于海外貫胸反踵之族問彼游魂銅頭鐵額之兕化爲
異物天囚貳負之尸水戮九嬰之厲星旗西轉則月窟
爲空雷鼓南鳴則金城不閉將使參天大道除于鷓鴣
之泉分地高車置爲雞鹿之郡于是貴山慕德善馬徠
琛效白狼歸日之忠遣烏弋驗風之使龍文魚目非關
漢將之求茲白乘黃盡入周王之會別有大小布露左
右花門背鐵勒而來王款玉關而殷頰其時

天子方九秋講事威揚綏遠之軍三載朝宗瑞輯伊綿

之峪

帷宮拜爵

鸞旂扈馬然後千門萬戶開闐闐而覲

天玉具金龜扞衣裳而牽地蟬蛻向內鱗集仰流娑夷
之重譯未歸宛國之西鄰又至

皇帝將教大閱以治兵會遠人而觀禮龍馭先期鳳輶
效

駕湯山北駐環萬幕而雲屯涇水東流浴

重輪而光動于是

乘輿乃升四正眺三盤蚪林低翠蓋之風練瀑射虹旂

之影壓碣石而晨青控薊門而宵紫龍池通氣重來渥
水之駒桐嶺連霞卽會金山之玉是時宛有月支之部
海西雷翥之濱厥角稱臣歸身請吏

天子蹕青驪而受贊張赤帟而詢風雕題深目晉三接
于

龍光重舌左言徹

九重之

天聽西旅底矣

帝車迴矣葢猶未轅乎南苑也乃建辰旒之十二列星
校之三千仗馬歎雲儀鸞縹野鼓車殷地則天驥從東

關戟趨風則單于自北然後整六師于飛放馳七萃于
柳林張陸散紫燕之蹄鞭海合元蛇之尾染風毛而韋
地金僕橫飛落雲翻於垂天青莖直上鞬駕未深晚顧
兔而輪孤躡甲餘酣彈天狼而芒靜方且星流蒲海封
彼長鯨羽飲慈山獵其雌虎繳大風于北隧弋巨鳥于
西荒一發而獲名王三驅而網下國豈直表貉致禽抗
皮服不而已哉于焉張翡翠之帷

御鳳皇之邸舉紫行魚騰車命醪朱提轉斛醉敕勒之
千人烏獲飛橦陳犁軒之百幻神仙金闕歆蜃氣于晴
空堯舜榮光召龍圖于俄頃是則晉水璿臺之享九驥

翱翔洞庭廣野之張百靈踴躍者也四裔旣賓六軍宿戒

皇帝遂以中冬之吉舉

大閱之典是日也鵜尾旦中羽林宵駕鼓鐘會食擊斗騰裝天垂五色之雲人作千夫之氣司馬弊旗條狼誓馭金奏而九夏終雷聲而

六飛出

天子登乎九成之臺觀乎萬全之陣組練淩輝戈鋌捎景八風析羽中天懸赤日之竿五緯分芒應地舞黃龍之纛乃

御金山之猊胄擐闕鞏之蛟函南斗佩其紫阿東井杖
其黃鉞唐弓虞弭對甲帳而開朐月貫星聯抱丁侯而
拔鏃授子則六軍挾纊提馬則萬騎銜枚龍角天鳴夔
躋地奮駢旄麾赤旗動焱車走戟金汁連珠燧牛象而
排山沸鴛鴦而然海崑岡裂石之聲湯谷流金之燄徒
趨鼓馘丹鳥翺大武之牙陰雪陽開朱火照成湯之旆
中分鹿角縱虢虎于重門橫貫魚鱗掣靈鼉于一手三
發三刺九天九淵日月爲之徘徊風霆助其響厲光耀
乎西夜之庭威讙乎無雷之國觀者屏息聞者堅心可
以鎮麟海而不波屈蜺羅而左注堂堂乎正正乎虞夏

之羽干殷周之仁義也樹騰豹以殿軍鳴金饒而振旅
愷獻之樂作飲至之禮昭

慶賜遂行中外大悅然後旋華轍面

紫宮象輿婉俾于南門驚鼓魚烏于

北闕千官散佩抱

曦日之光華萬吹鏗鏘和

鈞天之巨麗

皇帝爰坐明堂負斧展赤蛟白澤弭節而霞開玉馬金
牛揚鈴而飈發撞華嶽之鐘震靈囂之鼓鴻臚六唱宗
伯九儀受八表之版章會四方之離僭正義星于若水

更惕

堯心鏤禹字于崑崙猶陳益贊文子武取賞春罰秋恢
圓矩而四和闢廣輪于兩極矣臣榮與簪毫識窮窺管
虞環自遠莫名刻玉之勳周鼓同文竊慕雕蟲之技謹
奏鐃歌三言至九言凡七章敢陳

七德之歌敬誌

九功之敘其辭曰

天戈撝地戶闢梁流沙磧積石獸般般鳥啞啞發黃矢
射白狼收金人吐玉章星柳穀海蒲昌孰不若天所培
蚩尤肩鄭瞞首師有功比无咎

其一
三言

長庚西流太乙東沉萬里歎沙五花染浪驤裏秋風蒲
萄春釀蟬封紆綬翎侯拜牙青雲連月鏡海一家迎瞰
入版貫嵎歸查

其二
四言

六龍整秋駕九譯來西鞮雲堡開勃律藤橋渡娑奚昔
阻蒺藜犬今通弱水犀張艾

天臨壁伊綿地協靈東西會陰羽南北埽龍庭飛梯下
城郭輯玉上云亭

其三
五言

奄蔡北海之濱條支西海之左馬則蒲梢汗血人則犁
軒吐火背陰嶺而投戈而陽關而歎璫

華蓋拂乎盤龍靈星指乎窮髮歸其飽犬紈牛示以朱

千玉鉞漢帝陣成虎螭唐家兵如日月

其四
六言

龍騰星撒天張圍沙平草盡風揚微鞭鳴錦轡白雨急
鞚搖玉勒紅陽飛灑空但見千羽毳凌雲忽落雙加翬
軒弧一發羣翹首夏箭三成

親射柳岐陽早執白澤歸崑崙陰更斷於菟穀遮羅萬里
尚空羣統藉中山復奚有

其五
七言

鈞陳營乎

紫微之宮北落布乎元枵之野

升鷹臺而四極樛流開鹿角而八門豁閭瑯弓舉則華
月穿雲叢鼓鳴則疾雷震瓦

天子擐明光之金甲軍中仰燭爛之火旂九龍竝舞而
霹靂闕大冶忽裂而干將飛吹角則鶴列作其氣揚鉦
則虎翼收其威

其六
八言

八十一州環以大瀛海二十八宿拱于天極星魚魚雅
雅集

丹鳳之闕鸛鸛鰈鰈會

雲龍之庭正九伐則長風之振槁撫六合若高屋而建
飮嗟爾寧侯用

錫馬蕃庶孰爲不順而辱我刀鋸

文命訖乎海外而克艱

重華光乎天下而弗與一日二日兢兢于

萬幾千年萬年乾乾于

六御

其七
九言

知足齋詩集卷第二終

知不足齋詩集卷第三 巳卯至癸未

大興 朱珪 石君

題外舅陳雨霖先生冒雨尋菊圖

時將赴思南太守任

秋風未憭慄先值遠行期屈指到官日知翁採菊時黃
花邊郡美酈水艾年宜去逐隨車雨殷勤問野籬

專城自古重所部雜瑤峒人望調馴理山開文雅風異
花瘴嶺外高節晚香中萬里所親別煩持金玉躬

乾隆二十四年巳卯秋七月初九日奉

命以翰林院侍讀盧明楷充河南正考官

江西寧都州人辛未進士

臣珪副之二十日出都取道西山二老莊拜墓

知不足齋集卷三
海嶽協

文思有

命搜賢良出門辭庭闈游子行有方盧溝徑西山拜我
先人藏山中漲流泉洗眼豁眊茫誓將清白心不負五
色章及歸報

天子河洛迴榮光

二十一日渡拒馬河過涿州晚宿定興感役夫之
勞而作

役夫肩我輿路長肩苦頰我初見未慣戚戚心難平勞
力爾不辭勞心吾何居莫以鶴乘軒不恥羊蒙皮主人

鴈能鳴逆旅妾不醜十日如轉環貴賤亦翻手殷勤謝
役夫我倦爾何如落霞淡山色前路行徐徐

二十五日過正定渡滹沱河

重城壓趙背滹沱走其南山川如聚鐵橫鎖穹龜奔我
來自北渡平沙漉趨趨水落尚呼洶下有潛蛟愁遙思
武靈王虎視何眈眈惜哉廉李死竟飽秦人蠶傳聞此
城北纍纍高墳三不用則爲鼠用作龍與魑馮生吐奇
論漢帝心已諳到今并州兒鬪狼氣尚酣在德不在險
起也非狂談

二十六日過趙州小憩柏鄉雨花菴聞湖北主司

沈庶子欽伯阻雨狀作詩寄懷

菴僧養元順德人六十五歲乙亥生

寧行新樂九十里不走樂城六十程

土諺有此與人之誦今

則信路長沙重疲征行七月五日雲翻墨滄沱水漱恆

山城聞君此時渡河水龍鼉上下交拏爭肩輿壓頂徒

脫袴白浪洗面如盆傾崎嶇三日纔百里汗漫騰蹕千

溝坑趙州橋上蝦蟇浴狻猊濡首不敢撐雨花七夕溼

燈影仰面不見牽牛橫便疑懸河倒天稷星槎何所揚

光晶菴中老衲說君狀白皙照夜入天驚我聞三歎側

南望江湖美人阻目成憶昨與君從上雍布幕夜漏連

牀聲歸來桑乾漲新雨子車我馬輪蹄輕青綾持被宿

齋閣椽燭待漏直邇英風宵寒夙更把臂比巷過從交
籌觥乘輅楚豫恰先後一一郵傳子所更湖天漫漫楓
葉落知君滿載江蘼蘅何當檐花共樽酒我歌子和聽
淙琤

二十九日發邯鄲天色層陰七十里至磁州小雨
渡漳河入河南境

皂旂黝黝遮四圍當空下覆黑玉杯仰天不見白虎首
八月節五鼓
當參觜中九驪吸海濡其頰馮夷踴躍鼓在手懸河

欲倒崑崙臺暝行儵忽三十里夢入雷淵雷殷耳遽然
驚覺雞三號火輪埋燄紅霞高雲光演漾開綠波霓裳

組袖干靈娥青驄馬駕霹靂車湘妃朝罷歸厥家磁州
城北聞好語飲馬漳河日卓午扁舟軋軋篙師舞候吏
近在河之澣陸行怕水船怕風天公不耐國三公詰朝
嗽出誰爲功雨龍小睡東方紅

場中卷凡四千八百有一十竭十入晝夜之目力
搜閱未遍也榜發有汜水拔貢禹生文煦者能文
被落取其卷閱之字字化工矣爲之泣下如雨詩
以自訟

象罔搜元珠赤水何溟濛神山在何許一葦阻惡風我
來自冀北志欲萬馬空豈知真麒麟低首泣路窮鬼伯

亦善幻夜夢墮兩瞳覺來抱駘佗玉波冷吳宮長號結
刪綏失我三尺龍知君一撫掌天下多葉公

九日吹臺讌集作歌畱別胡撫軍蘇方伯鄧監司

長風吹帽秋雲開我來拾級梁王臺

吹臺梁孝王增築

憑欄四

眺極遠目下瞰城闕何崔嵬當年清角一聲裂元鶴上

叫隨風雷華陽良嶽已部婁

萬壽宮卽良嶽故址初八日登其上四望積水而已

歸然獨出誰增培穹碑突兀

九龍照

臺上石刻御製詩一首

鎮壓河汴拏蛟能榮光咫尺接天

綽手摩大角低杓魁主人愛客劇清賞舞腰歌管催金
罍此邦風景此歲好烹斡元氣須黃台衆賢聯翩作郇

召得其高會誠佳哉周爰邂逅予何有黃金回首感郭

隗綠蛇紫燕不論價恐有汗赭遺龍媒麗景宋門一返名麗景返

照趣歸路未訪繁氏心徘徊繁臺在吹臺稍西歸過之未上星槎條忽

不可住擘浪北渡舉高桅何時更問杜高李把解一醉

葡萄醅

九月十七日啟行門生送者三十餘人行至安陽

豐樂鎮作詩寄之

人生如浮雲聚散隨秋風偶然東西合便擬雷張同茲
邦首嶽瀆諸君盡昌丰嗟予執旗鼓耳目慙矇充一朝
得火珠敢謂象罔功觀水要並海莫詫馮夷宮崑崙九

成臺上上不可窮廉隅士之防仁義畜其躬虛文尚非
貴何論約與豐願爲松柏心莫羨桃李禮予雖未有知
了了辨角童揮手致珍重意逐東流淙

觀韓集有感作此自警

昌黎二十九崎嶇初入汴感恩事董晉不作二鳥羨我

今如公年載筆上三殿侍從歲周辰

予以戊辰選館至
今己卯十二年矣

復此跨高傳俛仰愧古賢螾垤跂鰲抃飛搶據高明何
異巢堂燕得之而不能無乃人鬼譴急矣勤爾修赤日
捷去箭

聖武遠揚平定回部西陲永靖大功告成恭紀

柏梁體
詩一百

韻

皇帝神斷關八垠遂砥西極從崑崙惟準噶爾遠莫臻
厥初部落分有元四衛拉特相齒脣據險自保驕不馴
皇祖三駕問罪人

世宗撻伐

天討申枝披韃絕無畱存

天仁恢蕩萌芽菴羊離其羣爭觸藩有眾趨趨款我關
皇帝曰咨汝遠民赤子匍匐惟恩勤

詢之僉謀疑不信赫然

獨舉非常原日中必昃法軒轅歲當旃蒙大淵獻西北

雨纔天風縉直上下阿爾泰山所過厥角降馬前飲馬
伊犁河西源俘大白吉獻午門一鏃不折弓不彎功成
神速古莫聞微乎蠨螋搶荆菅天紘下撒囚蜎蠖竿首
更斷蚩尤肩械之疏屬威神姦海外諸國咸來臣有哈
薩克古大宛率馬請備十二閑龍膺虎脊加纓樊從風
而徠其西鄰願倍左部輸厥珍布魯唐之綏遠軍藤橋
久斷誰援扳東西二長相告言爭先恐後走駿駿

帝格遠人

幸木蘭三年受降峪伊綿歸我者上背者顛孰敢倔强
逃戈鋌彼和卓木兩弟梟囚於準部如雞豚

王師釋之天地恩俾撫回部歸其闡狂狃反噬聲狺狺
窟宅荒遠憑堅完跳梁自喜莫汝患豈知

天怒不可干戕我義士罪莫寬此不大誅曷殛震
廟算決勝無疑然更將

授鉞秉有虔師行如火風助煙燒其槎枿收原田阿蘇
烏什連和闐長驅萬里無阻邇葉爾奇木行摧殘賊來
數萬攻以千以一敵百呼震天黑水築堡塹灣環

皇帝握奇謀通神先時發兵利聲援馬行戈壁跋履艱
後者忽至爭騰竊如降九天出九淵拔圍再舉軍益振
賊窘性命難藏蹲自知罪大不可前棄城而走力已殫

我師電掣追游魂再鼓及之殲醜羣狼狽跳去蹄毛殷
拔達山部懼責愆殺賊自効迎牙旛萬馬踏賊骨飛塵
鎗殪小貍尸橫分兄弟駢戮同鄭瞞盡率所部朝

至尊紅旂飛來達

九閭武成上告

郊

廟壇全定西域

王師般二萬里外廓幅員乾張坤翕功不刊

恩布天下金鳳翽

皇心法

天惟乾乾太學三刻穹碑文發揮

天樞開惑論本原

上絳歸大勲

臣聞惟德通

泰元執

天之時無後先陽予陰取幹秋春熠燿那識赤日敞空

抱燦燭擬扣捫但見月朧傾金盆

皇威滂沛雷翥賓

臣頓首陳詩一篇紀

皇帝功垂萬年

奉

命致祭南嶽衡山十一月十二日啟行先一日大雪

日初霽十三日夜行定興道中寒甚役夫有怨言

疊前韻以自訟

積雪竟野素落照連天頽日短行苦長冰滑道不平役夫怨有辭凍餒不得居氈帷尚苦寒況我衣無皮登高忌下坡由來地非醜譬如官一身豈免分足手乘軒者夫夫兀坐意默如皇皇吾何須不肯暫虛徐

隆興寺大佛歌

并記

十七日過正定憩大佛寺銅像高七丈三尺寺有宋碑僧惠演記畧云鎮州城西舊有大銅佛唐時所鑄五代時鑠於契丹周顯德間毀天下

佛像以鑄錢至太祖開寶二年三月親征晉閩
五月巡邊駐蹕是州問像之興廢僧可儔對曰
像閒有字遇顯而毀遇宋而興乃命脩之掘菜
地得銅五臺山漂大木至以爲梁柱於龍興寺
建鑄凡七鑄而成四十二臂具焉曰大悲觀音
像時開寶四年也乾通元年記其背有紹聖年
閒葛縈記一篇

西方化人御劫輪上天下地遺厥身高于兜率細鍼芥
範金攫土何足論偉哉此佛誰所鑄仰首不見肩與脅
七十三尺仡嶸嶮四十二臂挈輪囷傳聞有唐初冶造

鎮壓恆嶽同威神契丹燎原爍金鐵帝柴毀像輸算緡
火龍飛來吸汾晉黃袍駐馬搜荆榛老僧鐫刻符讖字
曰顯中罷宋再振萬銅裂地夜氣隱干木斫山鬼手龜
太乙六丁煽鑪炭寶月七鑄雄天人飛樓鑿空出偏袒
芙蓉十丈敷華茵到今自在閬泡幻恆水幾見清瀾淪
茂陵銅仙久入洛咸陽金人已避秦當時戰血猶在眼
劒首一映吹干春我來摩挲古碑碣歎此遺跡偶未湮
憑欄縱眺極曠莽四遠雪海如翻銀秋毫泰山等無極
那用絕叫驚蒼旻

立春夜紀夢

宛宛雙紫鴿拍拍我中閨馴之匝一年毛翊嗟已肥我
欲縱之去顧我不肯違持竿稍趣之踉蹌越門畿其雄
仰天飛雌者飛暫低半落忽搶起上與檐瓦齊屋上有
兩鴿招呼弄光輝四鴿喜相逐振眼俯我窺遂升高屋
翻空外從敖娛白環豈求報珍重防鷓鴣欣此往得所
亦以遂我懷遽然雞一聲曉月清客屏書之問巫咸此
兆何祥襍

將至河南寄督學湯御史先甲

我歸自汴十月朔君乃返棹錢塘江星槎又見渡河汴
忽忽夜語燒明缸黃河水堅凍千里我來乘傳至楚邦

與君相望隔咫尺官路不得迂梁杠五千丹墨射碧眼
擁爐高坐雪照窗此都文字君莫詫我曾涉獵言無訛
氣雄語硬挾河嶽杜韓二老親麾撻排沙汰石得珠貝
往往潏汨橫奔瀧我慙目眊失奇寶至今涕泗猶流雙
瓴建高屋好逮遠蘭猗空谷須聽趺十年結交識肝膽
夢寐踴躍心所降麒麟孔鳳不可見何當執轡隨旌幢
二十日過沙河城北十里有宋文貞公璟園祠曰
梅花亭園西五里公之墓也有魯公碑乾隆十五
年

上幸豫蹕宋園有

御製詩

御筆畫梅花并書梅花賦刻石于壁

荒園閉宿雪梅花名孤亭其人不可見餘風思古馨
當時高寒骨不嗅妖卉腥坐壓傾城姣低首羞娉婷
葩辭韻鐵石賦手調登銅豈知二千載忽作蚪鸞青
嵩山侯自駕洛水迴龍停正筆合理美欹枝糝珠熒
緯天耿五季希世光三庭虹白射飛昂雨黃拜號
萍恭惟旌遺直側見虛

天聽

聖情佇嘉實誰與抱寸莛芹暄尚有獻何以當階
冀

二十一日宿安陽

嗚乎大人不世出宋之四相韓尤雄西京周霍有文學
開元張宋多武功姓名少壯驚敵國富貴晚節娛清風
安陽河水繞北郭此水可涸公無窮

二十二日過湯陰出城五里行道東隔溝望嵇侍
中忠穆祠先是九月過謁之祠爲康熙丁未年縣
令魏師段建魏黃岡人碑云祠成而墓亦得在其
西五里有韓魏公石誌可據

羣雞翔鶴修子父山崑頽子玉裂當年八馬爭羈龍
衮衣飛染萇宏血湯陰城南官道旁古廟誰作魏黃岡

太尉之碑在何處土人莫耕侍中墓

明年二月二十一日歸謁祠又西南

行過浣衣里至殞村訪魏公碑碑搖抗當風而動讀竟知爲邑人在倫重錄非原碑也碑陰則嘉靖間彰德府

朝邑王三省記

所見

趙州以南黃河北夏旱赤地秋無糧太行夜雨百川溢
官吏奔走驅飛蝗青榆斲皮表樹白十口一金爭歆糠
溝中瘠兒氣如綫道旁乞婦顏猶裝河水流斯不得渡
北岸匍匐堆屍僵

國家振賜徧九土

詔書惻怛眞禹湯前年河南澤滂沛發金巨億粟萬倉

此方去天不尋尺晨請朝報誰敢障偏災隅禳要調劑
漢二千石須賢良況今千里布皚雪日午雪消滋麥芒
嗟民忍飢待春雨看割歧穗連雲黃

黃河阻風

二十四日過獲嘉之亢村驛又五十里至滎澤口西北風甚船泊南岸不得迎

渡借宿鹽店村李秀才光祚家其子亦秀才名五湖厥明十里渡河

我行南臨河北岸河靈踴躍飛廉同波濤翻天出奇怪
要我險語誇珠宮黃河虯身腰脊聳鱗甲伸屈尤強雄
清天無風尚最厲助以噫氣狂龍公共工裂腦瀉天罅
神鼇銜索吼巨隴流冰排山更劇窄萬劒缺鑿鳴虛空
船如側葉不可上咫尺隔絕無由通我觀八十一稗海

此水汀澄坳堂中廣武遲我一長歎不用夜半號寒蟲
停輿借宿暫惆悵里儒迎客能鞠躬村醪取醉且酣寢
夜夢盆水魚恩恩平明日出龍怒息瞥眼弩發收高蓬
行當飛跨洞庭闊下瞰南極星瞳矐再拜馮夷謝風伯
歸颿送我桃花紅

正月初八日同程聘山少宗伯登黃鶴樓

揚舲東上渡夏口乘興更得凌高樓因山壓城雄萬古
古時豪傑今山邱長江南來漢西會兩岸列屋如星稠
大別最巖龜出曝黃磯仰首蛇蟠脩誰磨巨刃斷其脊
蛇山自東首西頸鎖不遣交匹迷大別山俗名龜想當
鑿斷爲鼓樓

割據動鱗甲牀下一國千虺蜥地形佳哉易衰盛水陸
奔轅爭吭喉憑軒豁目但長喟富貴何有真浮漚神仙
駕鶴不可見奇士解羽空名洲我今躡步鉅公後暫弭
使節同歌游風暄日晴天借我豈忘芟涉泥沾裘造次
已無雲夢九漫汗欲小馮夷秋煩公拂髯出豪句肯放
崔李長臯牟

自信陽至衡山與程少宗伯同行幾二十日矣明日
當別作詩述懷

我徂南嶽四千里公行更在衡之南雲秋山高

公先至
酃縣祭

炎帝陵

九疑遠直上湘水窮幽探憶昨追公三關北兩旬

晨夕同盍簪雨行辛苦石蘚澆汰擊清駛波光涵岳陽

隔手獨登眺

公以雨未上

女娥煙霧飛龍驂誇公此景不可

狀啼斑鼓瑟春半酣汨羅夜榜月東出未辨夔屈交譏

談

汨羅在湘陰縣北六十里土人名歸義河聞有屈原女嬃祠十四夜渡未訪謁也

祇今小別

最悵快永州佳處公獨貪翻思前賢著游蹟發憤窮路
愁如快每逢艱阻出苦語風雨蕭颯難和甘如公與我
縱歌嘯並跨高傳來趨趨

國家功巍埒岫嶺百神受福天周覃翠蕤龍節照山水
際會今古須公堪秩宗鳴玉歧相望小儒綿蕞學未諳
何當讀書更十載附公名姓畱山龕

衡山雨夜與程少宗伯話別意有未盡復成數韻
信陽及公三日霖衡山送公于峯雨知公本是霖雨身
夢滴驄毛泣龍姥長檠著花簷溜鳴更跋誰知今暫聚
天明目逆楚雲多孔鵠徘徊慕儔伍春風二月江水平
道州放船急於弩停橈煩致磨崖碑相報挈螭有岫嶼
宿祝聖寺

寺僧祖周以詩見贈

列松蟠根高孤桂敷葉大仰面數乾星傾耳送溼籟地

嚴方明舊

寺本行宮改建

鄰偈眞宰會沐浴燈青熒夢覺聲琅

磕上人如湯休清吟激楚汰羨汝飽山水慙予何戈殺

雀躍問雲將去住何所帶

卷之三
二十一日五鼓至嶽廟行祭告禮

振衣宿玉堂齋心款黃庭靈璈引先路升階薦德馨諏

辰協五卯

星經玉衡星常以五卯日候之是日丁卯

昭象惟上丁

時初交陳仲春節

辭朱鳥宮告奠金簡銘

帝光月西崦神釐天南屏飲雲閣旭卉建標逼青冥使
臣謹祝冊終獻求精靈降祥芘唐交脩禮秩舜經

祭畢歸寺復出至觀止橋荅拜曠庶常敏本曠衡
山人丙辰進士築室跨水面山讀書其中

跨水構虛个面山開疏櫺幽幽誅茅宅寂寂草元亭石
缸引仄渡松徑沿迴汀目遲蒸嵐吐耳急飛淙冷不知

海外那辨渭與涇回首讀書處三嗅遺芳馨

飯後出寺至迎班橋

一名寧波

止騶從繹夫曳輿層級而

上有大石鑿雲梯字過絡絲潭泉自峯下淨白如練

絲數里憩寶善山房渡玉版橋

一名序班

俯聽石淙春激

可喜又上至半雲菴望香爐峯再上半山亭望天柱

峯雲忽吐忽沒再上爲鐵佛寺至丹霞寺紫蓋峯直

其東芙蓉在其北再上南天門去芙蓉咫尺遂步上

峯頂雲氣起足下矣自南天門以下皆晴皎此上漸

有雲霧至獅子泉石如伏狻猊對石井覩天柱乃在

下至上封寺雲行戶中如野馬矣飯罷片雲雨案上

一乃從寺後閒道依泉而上寺僧以竹筧引太陽泉注
厨中竹接石礪名老女篋云有老女以女工積錢修
此步上祝融峯雲霧四塞坐待久之忽清風至從人
報曰雲落矣出觀則雲海平漫極目萬頃如積雪浩
波七十峯皆成瓊沙田天光淺碧漾演晶瑩真絕觀
也徐待其變則如雪消流曲香爐芙蓉天柱連延鏡
淨指駢乳突乃知紫蓋獨不朝非虛語也又知數峯
所以獨著蓋高于他峯遠矣登望月臺風冷甚峯頂
地不甚寬殿舊北向臨舍身厓其下萬丈無所倚薄
險絕可知今改南向而塞北向恐有愚者輕身之故

然茲峯之奇險空危不得盡其妙矣蓋祝融拔地萬丈三面俯臨七十一峯而不相連屬背則懸崖斗削而無所負其奇怪獨出真不可思議也歸宿上封寺二十二日鷄鳴起霧雨不及登望日亭下山至南天門雨雨中謁文定書院集賢書院至祝聖寺飯三十里至衡山縣飯出東門下船

上嶽

止騶山之足曳輿迎班橋負繩上雲梯顧瞻凌虛躋飛泉睇絡絲玉繩掣飄搖欣然擬霞舉仰止迷峯腰役夫如鼯狖翫翫穩且超翻慚伯昏射慣捷汝可驕賴茲眾

力勤使我低焦髡

寶善山房

招提扼石磴駕石渡玉版怒淙漱聲牙鋒利爭齧鏟枕
流清聒耳面峯闖入眼息此牽挽勞足我上下轡憑危
緬呂梁構虛思蜀棧拾級初淹畱取興歷蹇產

半雲菴

荒菴不當徑僧出迎我游雜樹交枝撐半雲名更幽雲
去香爐峯仰見鍛石修白日喜照地青嵐卷空淨何如
山中人處處可久畱

半山亭

上峯與下峯跨險路已半舉頭玃椽欒濯手低河漢硎
礪爭輕軒香爐色九矸眼中天柱尖瞥瞬善逃竄神示
隔氣勢咫尺異霖旱地接靈鑣嚴有物守疆畔山亭豈
不佳割愛不久玩我將溘埃風及此日未盱

登祝融峯觀雲海

衡山雲海曾豔聞我躋絕頂雲苦紛凝心稽首敬靈嶽
四千里來禱已勤霧中兀坐不肯下靜看氣馬如蒸饋
冷風何來忽飄卷一洗圓鏡無氤氲天高雲落眾峯首
幻出渟海波沄沄平磨玉山作砧石淨擣大素勻皺紋
鯢鱗鵬翅兩排拶晶宮貝瓦連桴桴猶疑炎皇善揉斲

瓊畦萬頃龍耕耘火行吞劫白帝衛組練一色降西軍
濤光鴻洞布六幕仰面始識天爲君我身凌兢在何所
芙蓉紫葢低可分惜哉剛風不動盪不見海怒蛟鼉盼
久遲積雪消大野行人踐踏知溝墳峯閒千派尚爭掣
出同歸異迷沲瀆掀嵐揭霰古競爽此境儻恍覲所塵
安能騰身較奇勝東瞰海市登亭云

正月十七日抵湘潭邑令秦君鏞出所作宿慶雲
寺詩索和寺在鑿石浦去縣治七十里詩意欲修
草堂祀子美也二十四日歸自衡山舟行過其地
登焉江勢轉曲回塘宛然寺旁有石刻子美像露

雨無覆感杜之窮途而嘉秦志爲作數韻

停漿上鑿石岸滑膠我步披榛入山門湘江漲春澌紅
垂木瓜華綠坂籜龍孺回塘猶在眼遺像碑未仆遙憐
杜陵老風濤送遲暮白鳬懼漂沒朱鳳空號訴皇英與
屈賈萬古同此路誅茅未宜後招魂暫經駐美哉明府
賢清唼唳元露面浦開草堂幽敞斯可作發興莫蹉跎
闡幽神所祚

題吳頴雲侍讀石欄點筆圖

君家湖山清如冰前身君是山中僧韜光竹徑引脩步
石牀梵唄明孤燈偶然下覩戲塵海珊瑚十丈開胸膺

早年吐綬壓萬壑珍重翠翮方翺翺桂林風雨九疑遠
南海日月雙丸蒸潮州永州好山水古時韓柳相哀矜
君今乘槎獨豪宕到處點筆題峻嶒湖南再見秉使節
權衡正與朱鳥應五年思君不得見相逢一笑情可勝
千篇好辭未暇讀芙蓉字字連芰蕰又知梁子謂階平
觀察先
有題興更劇石欄索句愁秋鷹我來儵忽暫流覽春江
雨漲航湘添祝融拔起九千仞咳唾上界低玉繩雲濤
鏡海最奇幻七十一峯皆崑崙仍神祇變化有如此知君
虎處須攀登高哦絕頂要寄我夜半接手摩升恆

朱貞女

山陰朱氏有貞女未醮而寡甘長終問名中表徐氏子
玉鏡照膽寒玲瓏豈知然犀見噩夢一淚萬怪收雄虹
可憐季蘭空泣露蕓命正與懷沙同城門望哭遂入衛
柏舟自足貞鄮鄘十年不字矢靡慝立孤卽死神無恫
吾聞嫁殤禮有禁先王以道防汙隆貞凶悔亾聖所許
自求苦節寧知窮苟有爲後鬼不餒魯國豈復殤汪儻
穀則異室死同穴天地日月昭其衷嗚乎赤堇之錫邪
溪銅神物未合精相通昆侖一氣還大冶人閒不得畱
雙龍

山居圖

小隱大隱誰真高朝市且讓陵藪豪生綃一卷出結構
卜居好在山周遭大岡笑兀向前起斷處有力連神鼇
遠峯一氣自吞吐雲鬢障日揚錦綢誅茅往往隱蔽茆
問津不逮漁人舫此中有客足來往把手莊惠臨秋濠
嗟我何爲夢吳越東山回首空嶢嶢山中考僧應相識
前身坐臥山之尻夜騎梅梁上禹穴恐失故路羞猿猱
歸來汲井且抱甕何爲俯仰同桔槔

題宋觀察杏花春雨圖次沈欽伯韻

宋以乞
養南歸

碧雲夜染天濛濛溼霞亂點珊瑚叢吳江平堤花影重
錦帆不待鱸魚風梅英舊雨廣平宅美人重來顏如昔

相看么鳳好將雛如此林花歸亦得使君曾住杏花村
日下雲閒相望尊酤釀酣歌壽天姥噴珠洗月開金盆
生綃一卷頻流顧中有南陔白華賦霏霏紅雨滿春溪
不須虎守神仙路

慈烏篇爲歙縣項孝子作

孝子爲楷年十四
喪母廬墓三年

慈烏尾通通夜夜索母呼十四喪所恃哀哀哭墓廬母
在深山中父在城中居城中自可念山中痛何如兄歸
慰我父弟畱伴母孤四山多松柏雜樹楸與楊朝露滴
其柯夜雨聲湯湯呼母不聞聲涕落霑麻裳春花豔如
血夏日慘不熱秋風助我號元冬踏冰雪一日復一日

卷之三
三月復一月母魂已遠兒服亦已闋但感生我長始知送死短可憐鞠育人一去長不返松枝上參天松根下入土枝高根益深那得復相處我作孝子歌淚下傷者多

介少宗伯太常寺仙蝶圖

太常秩祀事廨宇闕穆清神祇光盼蠶黼豸生精靈古橘化鳳車五苞閒三英翔止喻人意儵眴避機萌或疑靈仙物暫下戲紫京宗伯筆所覲控褐敲千賡我聞聖人世蠕蠕孚誠誠璇題象蘄蘄注脰鳴雕鏗茲蝶實元感天機動馮生去來何逍遙善幻無嬰寧小知而大年

三
欲齊物情

登山

盤回石磴長龍噴護山骨太陰閼靈囂山鬼拱揖笏我行志軒豁僕喜免炎暵孤亭憩遊足漱涼鑒毛髮古人自不朽好事爭剗剗中凹鉢孟峯遙隱舍利窟迤邐入山腹蚪翠更交樾晴雨隔下方光晦偈上闕何當徂天門青空辨海碣

湧泉寺

招提敞山曲掬雲入僧寮靈嶠填深潭咒水龍不驕伸指檻泉出菌蠢聆海潮桓桓忠懿王神宴來相招香花

供百戲聖箭通九霄沙溪避忠骨移塏凌山椒到今一
千載支壤非一朝茲山旣名勝朱李名題標萬沙撒恆
河誰是魁衡杓嗟余亦何爲懷古空歌謠

喝水巖

舍寺尋靈源石級下巖洞兩崖攢膠葛鬼斧試鑿空晏
師誦其中有似牛鳴瓚叱咤水倒流移湫息耳聞縱橫
古今字後刻前或礪徇名窮巔淵爪落鴻已變安得亾
是公听笑吞雲夢

龍頭泉

石龍吸泉脈汨汨日夜流力能沃赤日搖鬣雨十州我

來坐亭檻洩霧莽不收望羊久相待霽然開遠眸雙江
白如玦碧海環千疇酌泉烹山薺謾謾枯腸搜從者橐
紙筆請紀茲辰遊未知神靈意恐負龍公求險語吾不
惜高歌上上頭

水雲亭

水雲在何所逕仄眺望寬不辭苔蘚滑愛此高青攢石
門中豁間江水低淼漫恍憶鐵瓦殿垂峯巘屹置身
白雲外始覺天衣單徘徊雙黃鵠再舉得所觀沈湍足
飲啄豈復期素餐

欲登劣崩峯日暮不及而歸

攝衣攀礪礪望望上男崩雲將喜東游日車苦西戾天
海御風濤鼓盪臨八極敞罔心淹留左右憺歸色子瞻
宿金山亦借顛風力何如山中人誅茅自耕食相逢小
青蓮君馬又暫勒重游及秋清一覽扶桑施

知足齋詩集卷第三終